



COMUNU DE CABUDERRA

Tzitadi Metropolitana de Casteddu

DELIBERATZIONI DE SA GIUNTA COMUNALI N. 21 DE SU 08/02/2023

OGETU: *APPLICATZIONI DE SU DISCIPLINARI APITZUS DE SU "TRABALLU ÀGILI" (A DISTÀNTZIA O TRABALLU TELEMÀTICU) TRANSITÒRIU IN S' INTERIS DE S' APROVATZIONI DE SU PIAO.*

S' annu 2023, su 08 de su mesi de Friàrgiu a ora de is 13.00, in sa residèntzia comunali, cunvocada a manera amesturada presèntzia/videocunferèntzia cunforma a su Regulamentu Comunali po sa modalidadi telemàtica, s' est atobiada sa Giunta Comunali cun is personis chi s'ghint:

Nòmini e Sangunau

Beniamino Garau
Dessi Donatella
Frongia Pietro
Montis Giovanni
Sorgia Silvia
Solinas Marco
Garone Katuscia

Càrriga

Sìndigu
Assessori
Assessori
Assessori
Assessori
Assessori
Assessori

Presenti

Eja
Eja
Eja
No
Eja
Eja
Eja

Presentis: 6

Ausentis: 1

Pigat parti a sa setziada su Segretàriu Generali Sa Dotora Felicina Deplano.

Su Sìndigu, Beniamino Garau, ndi liat sa presidèntzia e de chi at averiguau su nùmeru de is presentis, decrarat aberta s' adunàntzia.

SA GIUNTA COMUNALI

Liada a cunsideru:

- sa deliberatzioni de sa Giunta Comunali n. 49 de su 31/03/2022 asuba s' adotzioni de su Disciplinari de su traballu àgili (traballu a distàntzia o telemàticu) transitòriu;
- sa lei 22 de maju 2017, n. 81 "*Mesuras po sa tutela de su traballu autònomu no imprenditoriali e mesuras po su sistema flessibili in is tempus e logus de su traballu subordinau*" in su cabu II – artìculus 18 – 23 – disciplinat s' istitutu de su "Traballu àgili cd ordinàriu";
- su CCNL po is tres annus 2019/2021 firmau su 16 de onniasantu 2022 chi in su Cabu I chi ddi nant "*Lavoro Agile*" disciplinat sa prestatzioni de traballu in modalidadi "àgili";

Ca:

- su Pianu Organizativu de su Traballu in modalidadi "àgili" at a intrai in su PIAO;
- in s' interis de s' aprovatzioni de su PIAO tocat a aplicai su Disciplinari po su traballu "àgili" transitòriu aprovau cun sa deliberatzioni de sa Giunta Comunali n. 49 de su 31/03/2022, respetendi is cunditionis chi si funt adotadas;

Arriciu parri a favori de regularidadi tècnica cunforma a s' art. 49, c. 1, de su D.Lgs. n. 267/2000, de parti de sa Responsàbili de su Setori Personali Sa Dotora M.R. Uccheddu;

Cun votatzioni a totòmini cunforma a sa lei,

DELÌBERAT

- In s' interis de s' adotzioni de su PIAO, bolit aplicau su Disciplinari asuba de su traballu "àgili" transitòriu aprovau cun deliberatzioni de sa Giunta Comunali n. 49 de su 31/03/2022 respetendi is cunditionis giai adotadas;
 - De donai s' incàrrigu a su Segretàriu de s' Enti e a is Responsàbilis de Setori;
 - De decrarai ca custu provedimentu at a balli luegus etotu, cunforma a s' artìculu 134, corriedda 4, de su d.Lgs. n. 267/2000
-